



Nivi Olsen

Inatsisartuni ilaasortaq, Demokraatit

Akissuteqaatit § 37 naapertorlugu apeqquteqaatinut, - ikerinnakkut efterskolinit atuarunnaartartut pillugit

18-09-2017
Sagsnr. 2017 - 19588
Dok. nr. 6093578

Postboks 1029
3900 Nuuk
Tlf: +299 34 50 00
Fax: +299 32 20 73
Email: ikiin@nanoq.gl
www.nanoq.gl

Asasara Nivi Olsen,

Qujanaq apeqquteqaatinut, Inatsisartut suleriaasianni aalajangersakkat naapertorlugit saqqummiussannut. Taakkua uani ataani akissuteqarfigissavakka.

Apeqquut 1: Naalakkersuisut qanoq iliorlutik tigussaasumik misissorniarpaat Danmarkimi efterskolini ikerinnakkut atuarunnaartartut amerlalluinnarnerinnut suut pissutaanersut?

Akissut:

Aallarniutigalugu oqaatigineqassaaq taamaatiinnartarneq ajornartorsiutaammat annertoq, ilinniartitaanernik aaqqissuussinitsinni meeqqat atuarfiata qulaaniittuni tamani. Ilutigisaanik nunatsinni ilinniakkamik taamatitsiinnartarneq pillugu misissuinerit siusinnerusut tikkuartarpaat ilinniakkamik taamaatitsiinnartarneq ataasiinnarmik assigiissumillu pissuteqanngitsoq, amerlasuutigulli pissutsit arlallit ilaannikkullu ataatsikkut pisut kingunerisinnaasaraat: *"Taamaatsittarneq pilersarpoq pissutsinik pisut iluanni aamma avataanneersut imminnut pissusilersornerisigut, imminnullu sunneqatigiittarnerisigut. Misilittakkanik tunngavillit paasissutissat ersersippaat qaqtigoortumik pissutsit ataasiinnaasartut, ilinniagaqartup taamaatsittarneranut. Ilinniagaqartup iliuusai toqqaasarnerilu pisarput inuunermi ataatsimoortumi pissutsinik tunngavilimmik aalajangiisarnertigut. Tassa imaappoq imaaginnartanngitsoq taamaallaat ilioriartartut eqqarsartartut "ilinniagaqartutut", kisiannili kinaassusiat assigiinngisitaartuusartoq."* (Taamaatiinnartartunik misissuineq 2010 – "Ilinniarnertuunngorniarfinni taamaatiinnartarnermik misissuineq", Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfik 2010).

Nalunaarummi naatsumik tikkuarneqarput aalajangiisut arlalissuit pissutaasinnaasutut, inuusuttoq ilinniakkamik taamaatitsigaangat. Tamakkaa inuttut pissusilersornermi tassaasinnaapput inuttut/tarnikkut imaluunniit inooqatigiinnermut tunngasut pissutsit, tamatumaniilu aamma suli

inerilluarsimanginneq, kajumissuseq, eqiasuissuseq il.il. kiisalu ilikkagassatigut, oqaatitsigut aamma kulturimut tunngasuni pissutsit. Ingerlatsiveqarnikkut isigigaanni pissutsit tassaasinnaapput ilinniarsiit atuartitsinermik aamma isumassuinermik isumaginninneri, tamatumani aamma perorsaanikkut, isumaginninnikkut minnerunngitsumillu kulturikkut sullissineri. Naalakkarsuisut naatsorsuutigat pissutsit amerlasuut allaaserineqartut misissuineri eqqaaneqartuni, aamma atuuttuusut nunatsinni aamma Danmark-imi efterskolertartuni. (Tamatumunngalu atatillugu aamma innersuunneqarsinnaavoq EU kommission-ip 2015-imi nalunaarusiaa, Kalaallit Nunaanni inuussutissarsiutini ilinniagaqartut taamaatiinnartarneri pillugit, link-imi uani nassaarineqarsinnaasoq:

<http://naalakkarsuisut.gl/~media/Nanoq/Files/Attached%20Files/Uddannelse/Study%20of%20dropout%20and%20completion%20at%20Vocational%20Education%20and%20Training%20programmes%20in%20Greenland%20DK.pdf>

Ilinniartitaanermi Aqutsisoqarfiup efterskole-nut immikkoortortaani (siusinnerusukkat Oqaatsinik Pikkorissarfik), Danmark-imi efterskolertiartartunut tapiissutinik aamma angalanernik isumaginnittuusooq, ukiuni arlalinni katersisarpooq nalunaarsuillunilu efterskolertut maanaannakkut taamaatitsisarnerannut pissutaasartunik, Kalaallit Illui Danmark-miittut suleqatigalugit. Tamanna pisarsimavoq toqqartumik aperisarnikkut efterskolernerik taamaatitsinermut pissutaasunik, angajoqqaat saaffiginnikkaangata angerlamut billetsissamut tunngatillugu ilinniartitaanermut Aqutsisoqarfiup Sisimiuni efterskole-nut immikkoortortaanut. Ilinniartitaanermik Aqutsisoqarfiup taamaattumik kisitsisit paasissutissat pigereertarpai angajoqqaat sooq taamaatitsisoqartarneranut isumaat pillugit, taakkualu atornerqarsinnaapput aqqissuussaanagerusumik itinerusumillu misissuisinnaanermut Danmark-imi efterskolertut taamaatitsiinnartarneri pillugit.

Tamatuma saniatigut Maniitsumi Efterskoli ilisimatitsivoq ukiut kingullit pingasut iluanni taamaatitsinermut atatillugu ilinniartunik oqaloqateqarnernik ingerlatsisoqartartoq. Ilinniartitsisup attaveqaataasup oqaloqatigiinnermi ilinniartumut apequtigisarpai pissutaasut nalunaarsortarlugillu tunngavigineqartut immersortakkami skemami immikkoortuni tallimani.

Efterskoli Villads Villadsen ilisimatitsivoq namminneq aqqissuussamik paasissutissanik katersisimanatik ilinniakkamik taamaatitsiinnartarneq pillugu, kisiannili ilanngullugu ilisimatitsissutigalugu ilinniartunut ilinniakkamik taamaatitsiinnartartunut iliuusissanut pilersaarutinik suliaqartarlutik.

Naalakkarsuisut isumaqarput **danskit** aamma **kalaallit** efterskolini ilinniakkamik taamaatitsiinnartarneq pillugu misissuisoqarsinnaanera ajornartorsiutaasunik pitsaanerpaamik paasinninniarnermik siunertaqartinneqassasoq, taamaaliornikkullu efterskolertitsisarnermi ingerlatsisuusut assigiinngitsut siunissamat sammisumik iliuusissaminnik ilisimasat inassuteqaatillu

misissuinermi pissarsiarineqartut naapertorlugit aqqissuussisinnaalersillugit. Taamaattoq Naalackersuisut piffissami matumani aalajangiussaqaqngillat taamaatitsiinnartarneq pillugu misissuititsisoqassanersoq, taamaattoqassappallu periaatsit qanoq ittut atorineqassanersut, tamanna soqutigisaqartunik oqaloqateqarnernik tunngaveqartariaqarmat, ilaatigut efterskolinik, efterskolit peqatigiiffiannik, Kalaallit Illuinik aamma Ilinniartitaanermut Aqutsisoqarfimmik.

Apeqqut 2: *Naalackersuisut qanoq iliorlutik tigussaasumik misissorniarpaat, nunami maani efterskolini ikerinnakkut atuarunnaartartut amerlalluinnarnerinnut suut pissutaanersut?*

Akissut:

Apeqqummut siullermut akissut takuuk.

Apeqqut 3: *Naalackersuisut atuartut ikerinnakkut atuarunnaarnikut taakkulu angajoqqaavi peqataatinniarnarlugit pitsaassutsumik tunngaveqarluni apersuilluni misissuinissami aggersumi aamma Naalackersuisut qanoq takorloorpaat tamatuma pinissaa?*

Akissut:

Pissusissamisussaaq misissuisoqassappat misissuinermit susassaqaqtut sapingisamik amerlasuut akulerunneqarnissaat, efterskolertut taamaatiinnartartut eqqarsaatigalugit. Aamma takuuk apeqqummut siullermut akissut.

Apeqqut 4: *Efterskolini ikerinnakkut atuarunnaartartut amerlalluinnartut atuarunnaartarnerannut suut pissutaanersut torersumik pitsaassuserlu tunngavigalugu apersuilluni misissuinissamut atortussat qanoq sivilutigisumik sananeqassanersut Naalackersuisut takorloorpaat?*

Akissut:

Naalackersuisut nalilerpaat ukioq ataaseq angullugu sivilussuseqarsinnaasoq aqqissuulluakkamik tatiginartumillu misissuinermik ingerlatsinissaq, - taamaattorli piffissalersuinermi apeqqutaassapput misissuinerup annertussusia minnerunngitsumillu misissuinerup ingerlanneqarsinnaanerani killingi qanoq ittuussanersut.

Inussiarnersumik inuulluaqqusillunga


Doris J. Jensen